

云霭有情知退却 曦光无量往高攀

好时光 过疏园

雨霁天清秋艳,诗梦起,聚疏园。花
动鲤翔闻鸟唱,珠光宝气喧。

墨韵留岁月,鸿爪处,喜岑言。笑说
香茶酒,不负好文缘。

(市区 周加祥)

访疏园

树掩庭园绿溢香,小池锦鲤吻云忙。
室悬名作生兰韵,屋拥珍奇耀玉光。
已见斟酌知厚意,还从品茗识儒商。
相交欲问情多少,恰似清溪流水长。

(市区 虞克有)

夜游南明湖

平湖波潋滟,飘渺恍瑶池。
艇逐绫罗滑,景从云水移。
彩灯辉掩映,琼阁影参差。
烟雨画图里,心旌孰控持。

(市区 傅祖民)

疏园游感

粉墙黛瓦景天然,奇石清泉缀锦妍。
珠玉观来人自醉,诗情款款慕乡贤。

(遂昌 蓝贤寿)

疏园行

清溪翠谷碧天穹,秋染繁枝泼彩红。
翰墨停睛留恋里,琳琅夺目忘怀中。
三杯醇酒心先醉,一曲微吟意更同。
人世豪情云锦起,远来诗客赞新风。

(市区 李伟平)

浣溪沙 南明湖

大坝截流成一湖,水清见底可观鱼。
抬头白鹭入莲都。

十里碧波藏绿岛,几船游客向新途。
城楼对饮话三苏。

(青田 李青葆)

云和坑根

寒涧廊桥风叩门,泥墙老屋贴岩根。
牛栏嬗变咖啡屋,山野已成游旅村。
四面烟峦藏画意,一林鸟语动吟魂。
耳听天籁浑如梦,诗满行囊酒满樽。

(云和 傅瑜)

好时光 聚疏园

晓看霜林红遍,秋好处,在疏园。珠
玉满堂诗缱绻,浮生半日闲。


绿蚁三两盏,怎敌得,竞流连。唱和
方凝意,醉里已忘年。

(遂昌 黄美丰)

咏千峡湖

昔日北山偏僻远,滩坑荡绿满湖春。
万峰千峡波光里,旧梦怡情总念寻。

(青田 吴岳坚)



再访石门洞谒刘基

胜景石门书院亲,又来圣殿谒先人。
浣纱溪畔传佳话,飞瀑潭前怀故臣。千读
百温萌壮志,恭听教诲著精神。瓯江山水
滋灵秀,鹤聚芝田跃凤麟。

(青田 叶则东)

南湖红船颂

当年病重九州愁,烟雨楼边研上猷。
信念如钢摧旧序,北星指路汇洪流。
征途血染春秋换,宏业功成举世讴。
直上扶摇看今日,旌旗万里映红舟。

(詹强 西班牙)

鹧鸪天 重访前垵美丽乡村

泉煮名茶久未忘,秋风约我访前垵。
两边垂柳依民宅,一壁时花挂驿墙。

求富路,逐羲阳。汉畚同筑美家乡。
大梁山麓桃源境,百岁仙翁送吉祥。

(市区 叶爱莲)

游南明山

(一)

飞禽跃鲤将我迎,仲冬拾阶上南明。
瀑布飞声亭玉立,石梁照镜水清灵。

(二)

梵钟悦耳弥陀在,峭壁凌风篆刻铭。
古木参天人易老,浮生切少郁悲情。

(缙云 吕丰平)

好时光 缘会

暖翠秋红亭院,花影动,是清欢。缘
会更兼枝叶散,全凭小句牵。

一若昆岗玉,便博得,有知怜。把酒
雕龙客,赏咏郢城篇。

(遂昌 周予风)

梅岐采风

翠染群山景色妍,青峰碧水绕岚烟。
品茶遐想吟唐韵,摄影随存唱李篇。
笔起心潮填曲谱,人添画境赋诗笺。
采风挚友精神爽,律入题材诵史贤。

(景宁 徐玉梅)

晓雾家山霞满天

晓雾家山霞满天,风光一派景无边。
林中岚气浮云外,谷底清龙恋野田。
楼闪金辉疑玉宇,鱼亲平镜起波涟。
若游此处桃源境,久住离襟欲泫然。

(市区 项志英)

猕猴瀑布

猕猴瀑布上天来,泻入山中不复回。
正遇伏天炎似虎,清凉好似雪花来。

(龙泉 吴炜)

沁园春 观光

形胜南溪,日上松峦,耀畔涧滩。问
东吴邑治,物华何毓?平昌故里,天宝何
缘?石徙昆冈,书迁越郡,梨木红花斗紫
檀。逢周末,烹茶开眼界,驻足疏园。

天工际会斑斓,引妙法禅宫绽宝莲。
料凌霄俊阁,虚其邈杳;凝馨阁苑,俗尔妖
妍。饱览斯文,雄观化象,满目琳琅享盛
筵。光阴迫,任几回话别,难却流连。

(遂昌 楼晓峰)

百山祖观日出

一丸红点水田间,仰望东边血晕环。
云霭有情知退却,曦光无量往高攀。
鸟啼青嶂闻娇影,花放精微缀美颜。
试看奇峰多逸趣,祖山佳境更斑斓。

(庆元 陈永生)

鹧鸪天 洞背古村

虎卧山峦嘉木青,风光秀丽古村行。
奇峰高耸怀襟抱,碧水潺流舟自横。

追往事,忘归程。登高望远淡枯荣。
重温三立平生愿,老树横延颂晚情。

(云和 陈水根)